



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. I. Vtrum lumen gloriæ sit necessarium ad videndum Deum?

[urn:nbn:de:hbz:466:1-77232](https://nbn-resolving.de/urn:nbn:de:hbz:466:1-77232)

A imperfectionem : Sed concursus activus est de ratione speciei intelligibilis , & nullam involvit imperfectionem : Ergo essentiæ diving , ut unitæ intellectui beatorum per modum speciei , tribui debet . Major pater , Minor verò quoad utramque partem probatur . Et in primis , quod species intelligibilis activè concurrat ad intellectiōnem , communis est Philosophorum doctrina , ex utroque Sancto Doctori , Augustino , & Thoma de-sumpta : Augustinus enim 9. de Trinit. cap. 12. dicit , *Omnis res quam cognoscimus , congenerata in nobis sui notitiam : ab utroque enim paritur notitia , à cognoscente & cognito : ubi verbum congererat , & parit , concursum activum objecti , mediante specie , manifestè designat . Idem colligitur ex S. Thome infra quest. 56. art. 1. ubi loquens de specie intelligibili , dicit quod illa se habet sicut forma quæ est principium actionis in aliis agentibus .*

Eadem veritas ratione suadetur : Nam in illa generatione spirituali (id est in productione verbi , quæ fit ex unione potentia cum objecto) istud concurrat per modum masculi , ac proinde activè , unde species intelligibilis quam emitit , & potentia imprimit , appellatur a Philosophis semen objecti , quia sicut semen efficienter concurrat ad productionem animalis , ita & species intelligibilis , ad intellectiōnem , & productiōnem verbi .

Addo quod in hoc distinguitur cognitione à volitione , quod prima fit per assimilationem potentia cum objecto ; secunda verò se habet per modum impulsus , & tendentia in objectum : unde ad cognitionem , objectum mediante specie sui vicariæ , debet concurrere per modum principij activi determinantis & complentis potentiam in actu primo : ad volitionem verò , solum per modum termini in quem voluntas fertur , & à quo extrinsecè tantum & objectivè specificatur .

Quod autem concursus activus in specie intelligibili , nullam dicat imperfectionem , quæ est secunda pars Minoris principalis , videtur manifestum : Tum quia genus causæ efficientis nullam essentialiter involvit imperfectionem , sicut genus causæ formalis , & materialis ; unde reputatur formaliter in Deo , ut constat . Tum etiam , quia in tali concursu activo , nulla includitur subordinatio , & dependentia ab intellectu creato , ut existimat Bannez . Licet enim quando principium quo effectivum , est ejusdem ordinis , & rationis cum operante , illi subordinetur ; & ita species naturalis subordinetur intellectui creato : quando tamen principium formale effectivum , est altioris ordinis , tunc non est subordinatum potentia vitali quam complet & perficit : certum enim est , quod lumen gloriae est principium effectivum visionis beatæ , tamen non existimo illud esse subordinatum intellectui , sed potius contra : intellectus enim accipit virtutem & efficaciam ab illo ; unde cum essentia divina in ratione speciei intelligibilis unita , sit ordinis superioris , non subordinatur intellectui creato , sed potius sibi illum plenissimè subiectum .

B Confirmatur : Tunc solum species est principium quo subordinatum intellectui , vel toti supposito intelligenti , ut principio quod , quando ab illo sustentatur , & recipit esse ; quia à quo res habet esse , ab illo habet operari : unde cum essentia divina , unita intellectui creato ut species , sit ipsum esse per se subsistens , nec sustentetur ab

intellectu creato , sed potius illum sustenter , & conservet in esse , non subordinatur intellectui , sed hic potius illi , in quantum per illam perficitur ad intelligendum . Item quamvis concursus speciei inherens intellectui , habeat ab illo vitalitatem ; concursus tamen speciei , quæ est suum esse , & suum vivere (qualis est divina essentia) non habet ab intellectu vitalitatem , sed ab ipsa met specie à qua effectivè procedit ; imo à vitalitate hujus speciei pendet vitalitas supernaturalis , quam habet intellectus beatus à lumine gloriae . Et per hoc plenè solutum manet primum & principium fundamentum aduersus sententiae .

B Ad secundum dicendum , talem concursum non esse necessarium , sed liberum ; quia licet sit immediatè à divina essentia , non elicetur tamen ab illa , nisi ut liberè applicata , & unita per modum speciei , & formæ intelligibilis intellectui beatorum . Sicut licet subsistens increata Verbi Divini , per seipsum immediatè terminet humanitatem assumptam ; quia tamen haec unio & terminatio , supponit liberum Dei decretum , applicans omnipotentiam , ad conjungenda illa extrema , inter se infinitè distantia , idcirco non censetur necessaria , sed libera . Addo quod unio essentia divina per modum speciei , essentialiter supponit aliquam actionem Dei liberam , scilicet infusionem luminis gloriae , quæ est ultima dispositio ad illam .

C Ad tertium , concessa Majori , neganda est Minor : ut enim ostendimus Tractatu precedingenti , sola natura divina habet rationem speciei , & objecti per se primò motivi , respectu divina intellectiōnis , non verò relationes , vel attributa .

Ad ultimum quod paulo difficultius est , fusè respondebitur in Tractatu de Angelis : nunc breviter dico , quod licet substantia Angeli nequeat esse immediatum principium operandi , per modum potentia activa , nec proinde in esse entitativi , & naturali : bene tamen per modum speciei , & in esse intelligibili . Quare essentia Angeli distinguenda est , in seipsum ut habet rationem naturæ (scilicet intellectivæ) & ut est objectum actu intelligibile , seu ut habet rationem speciei ; & secundum hanc posteriore rationem , inest illi aliqua immediata activitas , secundus verò secundum priorem : quia ut docet S. Thomas loco citato , nec in Angelo , nec in aliqua creatura , potentia operativa est idem quod sua essentia .

DISPUTATIO III.

De lumine gloriae .

Considerato principio ad visionem beatificam ex parte objecti requisito , superest ut aliud quod se tenet ex parte potentia , & à Theologis , *Lumen gloriae* , appellatur , in hac disputatione contemplemur , & necessitatem , variaque ejus munera declaremus .

ARTICULUS I.

Vitrum lumen gloriae sit necessarium ad videndum Deum ?

Olim Begardi & Beguinæ , existimantes intellectum creatum posse naturaliter videre Deum , consequenter negabant animam indige-

DISPUTATIO TERTIA

te lumine gloriae, ipsam ad claram Dei visionem elevante. Vazquez autem hic disp. 43. cap. 3. & 7. licet luminis gloriae necessitatem absolute non neget, afferit tamen ad visionem beatificam sufficere, vel solum lumen gloriae, vel solum essentiam divinam, per modum speciei intelligibilis intellectui unitam, subindeque alterutrum ex illis esse superfluum. Oppositum docent alii Theologi, tam domestici, quam extranei.

§. I.

Duplici conclusione vera sententia statuitur.

Dico primo, animam indigere lumine gloriae ad videndum Deum. Conclusio est certa de fide, definita in Concilio Vienensis in Clement. ad nostrum de Hereticis, ubi dicitur: *Animam indigere lumine gloriae, ad Deum videndum, et beatitudinem perfundendum.*

Ratio etiam id suadet: Deus enim, summum & indeficiens lumen, nunquam sine lumine videri potest, humanae capacitatati, iuxta diversos status, contemporato. Nam ut Author naturae, naturalis rationis lumine percipitur: ut Author gratiae, in hac mortali vita, obscuro fidei radio cognoscitur: Ergo etiam nonnisi splendidissima gloria luce,clare & intuitivae à beatis videri potest in patria. Unde Iob 36. *In manib[us] suis abscondit lumen, et annunciat de ea amico suo quod possesso eius sit.* Ubi Gregorius: *Amicos veritatis est rethe amator actionis: unde et ipsa veritas discipulis dicit, vos amici mei estis si feceritis que precipio vobis. De hac igitur luce aeterna patria, amico suo Deus annuntiat, quod possesso eius sit, ut nequaquam infirmitatis sua fragilitate desperet, sed tanto certius sciat, quia illius lucis claritatem possidebit, quantum nunc viatorum pulsantium tenetra verius calcat.*

Addo quod, potentia qua ex se, & ex sua natura est insufficiens, & improportionata ad aliquem actum eliciendum, indiget confortari, & elevari per aliquam virtutem in se receptam: Sed intellectus creatus, ex se & ex sua natura est insufficiens, & improportionatus ad visionem beatam, ut ostendimus disputatione praecedenti: Ergo ad videndum Deum indiget aliquam virtutem superadditam, quae lumen gloriae à Theologis numeratur. Hæc conclusio magis patebit ex infra dicendis.

3. Dico secundum: Ad videndum Deum, non sufficere essentiam divinam in ratione speciei intelligibilis intellectui beatorum unitam, sed insuper requiri lumen gloriae ex parte potentiae.

Colligitur ex D. Thoma hic art. 5. & 3. contra Gentes cap. 53, ubi docet lumen gloriae esse necessarium ad videndum Deum, & tamen requirit etiam unionem essentiae divinae in ratione speciei in intelligibili, imo dicit quod lumen gloriae est dispositio ad hanc unionem: Igitur utrumque simul requirit, scilicet lumen gloriae, & essentiam divinam loco speciei: Non ergo alterum istorum superfluit, ut docet Vazquez.

Præterea idem S. Doctor in 4. dist. 49. quæst. 2. art. 1. ad 15. distinguit triplex medium in visione: scilicet medium *sub quo*, ut lumen: medium *quo*, sive species; & medium *in quo*, sicut speculum in quo res representatur; & negat hoc tertium medium in visione beata, secundum verò medium docet esse essentiam divinam, non autem aliquam similitudinem creatam; primum autem medium, scilicet lumen gloriae elevans in-

A tellectum, in illa admittit: Ergo D. Thomas utrumque in visione beata requirit, scilicet lumen gloriae confortans intellectum, & essentiam divinam gerentem vices speciei. Denique hic art. 2. dicit, *Ad visionem tam sensibilem quam intellectualem, duo requiruntur, scilicet virtus visiva, et unio rei visive cum visa.*

Ratio etiam id suadet: Nam, ut suprà declaravimus, intellectio & producio verbi, est quidam partus intellectualis, ex potentia intellectiva, & objecto procedens: Ergo cum intellectus creatus non habeat ex se, & ex sua natura, virtutem, saltem proximam, ad videndum Deum, sed radicalem tantum & remotam, præter unionem essentiae divinae, in ratione speciei intelligibilis, requiritur lumen gloriae ei superadditum.

Confirmatur, & magis illustratur hec ratio. Potentia intellectiva, respectu actuuum naturalium, utrumque requirit, scilicet speciem, & virtutem proportionatam talibus actibus: Ergo similiter in actibus supernaturalibus, præter speciem, requiritur virtus supernaturalis illis proportionata. Unde docent Theologi in Tractatu de fide, quod ad assentum fidei, non sufficit sola extrinseca objecti revelatio, vel sola species, mysteria supernaturalia repræsentans, sed requiritur insuper lumen aliquod supernaturale in anima receptum, & per modum habitus, vel auxilijs communicatum: Ergo vel dicendum est, quod ipsa virtus naturalis intellectus creatus, ex se est sufficienter proportionata ad videndum Deum (quod est error Bergardorum à Concilio Vienensi prescriptus) vel quod indiget lumine gloriae, distincto à specie. Addo quod, essentia divina, ut species impressa, non est unibilis intellectui crearo, nisi mediante lumine gloriae, quod est ultima dispositio ad illam unionem, ut ostendemus articulo sequenti.

§. II.

Solvuntur objectiones.

Objectiones primo contra primam conclusio nem: Lumen gloriae ponitur à Theologis, ut conforter intellectum, & reddat illum potentem, & proportionatum ad videndum Deum: Sed ad hoc non potest deservire: Ergo illud ad visionem beatificam non est necessarium. Major constat, Minor probatur. Inter intellectum creatum, & essentiam divinam, est infinita distantia: Ergo non potest intellectus creatus fieri potens, & proportionatus ad videndum Deum, per lumen gloriae, quod est creatus & finita virtus; improposito enim, & distantia infinita, non potest tolli, aut vinci, per quamcumque virtutem creatam, & finitam.

Confitmatur: Virtus perficiens & confortans potentiam vitalem, ad aliquem actum vitalem eliciendum, debet esse vitalis: Sed lumen gloriae, cum proveniat ab aliquo extrinseco, non est virtus vitalis: Ergo non potest perficiere & confortare intellectum creatum, qui est potentia vitalis, ad eliciendam visionem beatam, quæ etiam actio vitalis est.

Ad objectionem respondeo, quod licet inter intellectum creatum, & Deum, infinito modo cognoscibilem, sive ut cognoscibilem adæquat & comprehensibilem, sit infinita distantia & impropositio, que per quocunque lumen creatum & finitum vinci & tolli non potest, tamen ad Deum,

ut

ut finito modo visibilem, non est infinita distan-
tia simpliciter, sed solum diversus ordo natura-
lis, & supernaturalis: unde haec impropositio
vinci potest per lumen aliquod creatum ordinis
supernaturalis, quod sit participatio quadam di-
vinæ intellectualitatis.

7. Ad confirmationem dicendum, quod licet lu-
men gloriae non sit virtus vitalis ut quod, quasi
habens in se vitam, benè tamen ut quo, quia est
vis quædam ordinata ad elevandum intellectum
ad altiorem vitam: vt videlicet anima quæ de se
vivit vitæ intellectivæ, vivat vitæ aeternæ & bea-
tæ, ac participativæ divinæ. Sicut licet semen non
sit animatum, nec vivens ut quod, quia tamen
est vis quædam instrumentaria, ordinata à natu-
ra ad generationem viventis, potest dici vivens
ut quo.

Ad illud quod additur, nempe quod virtus illa
est extranea, & proveniens ab aliquo principio
extrinseco, dicendum est, quod licet illa non
oriatur ab ipsa anima, quæ est principium radi-
cale, & proprium vita, oritur tamen ab ipso pri-
mo vita authore, scilicet Deo, dante vitam pro-
priam homini, & illum elevante ad superioriem
& divinam.

8. Objicies secundò cum Vazque contra secun-
dam conclusionem: Lumen gloriae requiritur ut
determinet intellectum ad videndum Deum: Sed
ad ejus visionem sufficienter determinatur, per
essentiam divinam in ratione speciei intelligibilis
ei unitam: Ergo posita hac unione, superfluit lu-
men gloriae.

Respondeo distinguendo Majorem: Lumen gloriae requiritur ut determinet, ex parte potentie,
concedo: ex parte objecti, nego. Similiter
distinguuo Minorem: Intellectus per essentiam
divinam ad visionem sufficienter determinatur,
determinatione se tenente ex parte objecti, con-
cedo: se tenente ex parte potentie, nego. Solu-
tio patet ex suprà dictis: Cum enim iuxta com-
mune Augustini proloquum, ex objecto & po-
tentia paratur notitia, ad cognitionem duplex
requiritur determinatio, & virtus: una se te-
nens ex parte objecti, quod in illa generatione
spirituali se habet ut mas, & alia ex parte poten-
tie, que se habet ut fœmina: unde ad visionem
beatificam, non satis est quod intellectus creatus
objectivè determinetur ab essentia divina, per
modum speciei intelligibilis ei unita; sed in super-
fluit, quod determinetur intrinsecè à lu-
mine gloriae, ex parte potentie se tenente, & il-
lam confortante, elevante, ac disponente ad
unionem essentiae divinae per modum speciei in-
telligibilis, ut magis constabit ex dicendis articu-
lo sequenti.

ARTICVLVS II.

*Quæ sint munera luminis gloriae in
intellectu creatu?*

- Dico primò: Lumen gloriae disponere intel-
lectum creatum ad unionem essentiae divi-
nae per modum speciei intelligibilis.

Est contra Vazquem loco suprà citato cap. 3.
est tamen D. Thomæ hic art. 5. ubi sic discurrat:
*Omnis quod elevatur ad aliquid quod excedit suam
naturam, oportet quod disponatur aliquam dis-
positionem quæ sit supra naturam ejus, sicut si aer de-
bet accipere formam ignis, oportet quod dispona-
tur aliquam dispositionem ad talēm formam; cū au-*

Tom. I.

A rem aliquis intellectus videt Deum per suam es-
sentiam, ipsæ essentia Dei fit forma intelligibilis
intellectus. Unde oportet quod aliqua dispositio
supernaturalis ei superaddatur, ut elevetur in
tantam sublimitatem.

Confirmatur ex eodem S. Doctore 3. contra
Gent. cap. 54. Essentia divina quæ est actus pu-
rus, est propria & naturalis forma intellectus di-
vini: Ergo impossibile est quod sit forma intelligibilis
intellectus creatus, nisi per hoc quod intel-
lectus creatus fiat divini ordinis, per lumen glo-
riae, quod est participatio quadam divina intel-
lectualitatis. *Impossible enim est* (inquit S. Do-
ctor) *quod propria & connaturalis forma alicuius
suis rei, sit forma alterius, nisi participet aliquam
similitudinem illius cuius est propria forma: sicut
lux non sit actus alicuius corporis, nisi tale corpus
aliquid particeps de diaphano.*

Dices: Lumen gloriae est aliqua forma super-
naturalis, & tamen ad illud recipiendum nulla
requiritur dispositio in subiecto, sed sufficit sola
potentia obedientialis passiva. Item subsistentia
Verbi, licet sit supernaturalis, immediatè tam-
en, & sine aliqua prævia dispositione, unitur
humanitati: Ergo etsi divina essentia sit forma
supernaturalis, poterit tamen sine prævia dispo-
sitione uniti intellectui beatorum in ratione spe-
ciei intelligibilis.

C Respondeo concessu. Antecedente, negando
Consequentiam, & paritatem. Ratio disparita-
tis quantum ad primum est, quia licet aliquæ
formæ supernaturales (illæ nimur quæ non
sunt ultimæ, sed viales, & ad alias ordinate) non
petant dispositiones ejusdem ordinis, sed solam
potentiam obedientiale passivam, & recepti-
vam illarum: forma tamen quæ est ultima, &
perfecta, ac principalis, necessariò aliquam dis-
positionem exigit in subiecto: unde cum lumen
gloriae se habeat per modum forma vialis, &
ordinate ad aliam principalem, & perfectam; sci-
licer divinam essentiam, unitam intellectui in ra-
tione formæ intelligibilis, nullam requirit in eo
dispositionem, bene tamen essentia divina, ut
habet rationem speciei impressæ, & formæ in-
telligibilis. Sicut in ordine gratiarum, auxilium suf-
ficiens, quia est prima dispositio, & preparatio
ordinis supernaturalis, nullam requirit dispositio-
nem in anima, sed illam primò preparat, &
disponit ad actus perfectiores; gratia tamen san-
tificans, quia in ordine supernaturali est forma
ultima, & perfecta, & ultimus spiritualis gene-
rationis terminus, exposcit aliquam dispositio-
nem in subiecto in quo recipitur.

Ad secundam instantiam, neganda est etiam
paritas cum Caietano 3. parte quæst. 2. art. 10.

E Ratio discriminis est, quia unio hypostatica non
fit per elevationem naturæ humanae ad formam
aut operationem, sed ad esse substantiale, ad
quod nulla requiritur dispositio, cum existentia
substantialis sit primum in subiecto: visio vero
beatifica fit per elevationem ad formam &
operationem supernaturalem, & ideo ad eam nec-
essaria est supernaturalis dispositio, ut magis con-
statbit ex ratione sequenti.

Probatur ergo secundò conclusio alià ratione
fundamentalí. Nulla species, sive sensibilis sive
intelligibilis, in ratione speciei uniti potest, nisi
potentie habenti sufficientem virtutem, ad uten-
dum ipsa ad elicendam cognitionem. Licet enim
species visibilis v. g. in ratione qualitatis aut ac-
cidentis, possit divinæ virtute ponit in lapide, aut

101

111

121

T